



TESTU D'INTRODUCCIÓN A LA PETICIÓN CONTRA'L PROYECTU DE DIRECTIVA DENOMINÁU "BOLKESTEIN"

NON a una Europa de retrocesu social NON a una Europa de regresión educativa

Anguaño, y pola iniciativa del anterior comisariu européu Frits Bolkestein (l'liberal neerlandés), ta discutiéndose un proyectu de directiva (llei europea) relativu a la circulación llibre de los servicios en sen de la Unión Europea.

Esta directiva europea, en casu d'aprobase, diba a provocar que tolos servicios suministraos en sen de la Europa de los 25 considerárense como productos económicos ordinarios. D'esi mou, sectores esenciales como la cultura, la educación, los servicios sanitarios y tolos servicios relevantes del ámbitu de los sistemas nacionales de protección social podríen sometese a los mesmos requisitos de competencia económica que les mercancíes.

Tal evolución podía causar de fechu un estropiciu de los sistemas llegalos de pensiones, d'ayuda social o de cobertura de los servicios sanitarios en beneficiu de los seguros privaos. Asinamesmo, podía significar la desregulación de los nuestos sistemas educativos y la fin de toa forma de diversidá cultural. Amás, l'aplicación d'esta directiva tendría como resultáu la revisión de los derechos de los trabayadores que consagraren les lleis nacionales de los países de la Unión Europea.

Dende'l pasáu mes de marzu, dalgunos partíos políticos y delles instancies nacionales y europees (asociaciones, sindicatos, etc.) fixeron saltar l'alarma. Llamaron a la movilización de les fuerces progresistes pa lluchar contra esti proyectu de directiva portadora de regresión social.

Güei, pesie a estes iniciatives, los más de los Estaos miembros paecen tar a favor de la aprobación de siguío d'esti proyectu de directiva. Al tratase d'una decisión pa la que nun se requier unanimidá, nengún gobiernu, nin negún partíu políticu ye a torgar por sí solu l'aprobación d'esta directiva.

Poro, namás una fuerte movilización de la sociedad civil en sen de la Unión diba poder aparar l'aprobación.

Ye necesario reaccionar con urxencia.

Dende esti momentu, convidámos-y a dicir claramente NON a una Europa de regresión social firmando la petición llétrica que va topar, ente otres coses, nel sitiu www.stopbolkestein.org y esparciendo esti mensaxe.

